

光緒丙子清河縣志卷二十六

雜記 附祥祿

漢地節四年封長安男子張章為博成侯

博臣淮陰鄉名見功臣表

魏黃初四年帝欲興眾伐吳五年幸廣陵泗口命荆揚

州諸軍並進

劉曄傳

青龍二年吳遣將軍孫韶張承入淮向廣陵淮陰

見通鑑

吳主權步夫人臨淮淮陰人也與丞相騭同族漢末其

母攜將徙廬江廬江為孫策所破皆東渡江以美麗得

幸於權寵冠後庭生二女長曰魯班字大虎前配周瑜

子循後配全琮少曰魯育字小虎前配朱據後配劉纂

光緒丙子清河縣志

卷二十六

一

夫人性不妒忌多所推進故久見愛待權為王及帝意

欲以為后而羣臣議在徐氏權依違者十餘年然宮內

皆稱皇后親戚上疏稱中宮及薨臣下緣權指請追正

名號乃贈印綬策命曰惟赤烏元年閏月戊子皇帝曰

嗚呼皇后惟后佐命共承天地虔恭夙夜與朕均勞內

教修整禮義不愆寬容慈惠有淑懿之德民臣縣望遠

近歸心朕以世難未夷大統未一緣后雅志每懷謙損

是以於時未授名號亦必謂后降年有永永與朕躬對

揚天休不寤奄忽大命近止朕恨本意不早昭顯傷后

殂逝不終天祿愍悼之至痛於厥心今使使持節丞相

醴陵亭侯雍奉策授號配食先后魂而有靈嘉其寵榮

嗚呼哀哉葬於蔣陵

嬪妃志按咸豐志此條載入列女殊略今移此

赤烏元年人於會稽山石穴中得淮陰侯韓信劍乃少

時所佩者帝以賜周瑜

見刀劍錄咸豐志按瑜卒於建安十五年去赤烏元年垂三十

年此事為不實矣又少時所佩何據云然姑記此以為好事者覽焉

晉永嘉中裴盾為徐州刺史委任長史司馬與奧勸盾

刑殺立威百姓嗟怨劉淵遣將向彭城前鋒至下邳文

武不堪苛政悉皆散走盾與奔淮陰

裴秀傳

永嘉末京師大亂祖逖率親黨數百家避地淮泗以所

乘車馬載同行老疾躬自徒步藥物衣糧與眾共之又

光緒丙子清河縣志

卷二十六

二

多權略是以少長咸宗之推逖為行主達泗口琅邪王

睿逆用為徐州刺史

建興元年以逖為奮威將軍豫州刺史給千人廩布三

千匹不給鎧仗使自招募屯於淮陰起冶鑄兵器得二

千餘人而後進

並祖逖傳又山陽志遺載淮陰相傳有逖冶鑄處今不知所在矣

永昌元年王歆作亂時劉隗鎮淮陰徵還京師率眾屯

金城

此非今之金城

及歆克石頭隗攻之不拔入宮告辭帝雪

涕與之別隗至淮陰為劉遐所襲攜妻子及親信二百

餘人奔於石勒

劉隗傳

徐龕事平以劉遐為北中郎將兖州刺史太甯初自彭

城移屯泗口 遐鎮淮陰咸和元年卒以郭默為北中

郎將領遐部曲田防等不樂他屬共立遐子肇欲為亂

遐妻邵止之不從乃密起火燒甲仗都盡肇得襲爵官

至散騎侍郎並劉遐傳

永和五年石虎死征北將軍褚裒上表請伐之即日戒

嚴直指泗口褚裒傳

除荀羨北中郎將徐州刺史監徐兗二州揚州之晉陵

諸軍事假節亦在五年羨至鎮發二州兵使參軍鄭襲戍淮

陰八年三月羨北鎮淮陰屯田於東陽之石鼈荀羨傳穆帝紀

互見此條已入秩官彼略此詳九月中軍將軍殷浩率眾北伐次泗口

光緒丙子清河縣志

卷二十六

三

紀穆帝

太元三年苻堅遣其後將軍俱難率右將軍毛當後禁

毛盛陵江邵保等步騎七萬寇淮陰盱眙四年謝元率

東莞太守高衡後軍將軍何謙次於泗口謝元傳與俱載記互見

難既陷淮陰留邵保戍之與彭超會師而南謝元率眾

與戰超等敗退屯淮陰元遣將軍何謙之督護諸葛侃

率舟師乘潮而上焚淮橋又與難等合戰謙之斬其將

邵保難超退師淮北見載記

十年龍驤將軍劉牢之以討慕容垂軍敗徵還頃之復

為龍驤將軍守淮陰尋進戍彭城劉牢之傳

元興三年兗州刺史辛禺懷貳會北青州刺史劉該反禺求征該次淮陰又反禺長史羊穆之斬禺傳首京師

見宋書武帝紀

義熙四年鮮卑侵逼自彭城以南民皆保聚山陽淮陰

諸戍並不復立并州刺史劉道憐請據彭城以漸修朔

朝議以彭城縣遠使鎮山陽進號征虜將軍督淮北郡

軍事

見宋書劉道憐傳

五年二月慕容超大掠淮北三月宋公劉裕抗表北討

四月舟師發京都沂淮入泗五月至下邳

亦見宋書武帝紀

宋元嘉二十七年垣護之隨王元謨攻滑臺還為江夏

光緒丙子清河縣志

卷二十六

四

王義恭驃騎戶曹參軍戍淮陰加建武將軍濟北太守

垣護之傳

太始二年徐州刺史薛安都反彭城從子索兒寇淮陰

蕭道成往救之屯破釜

見齊書高帝紀

輔國將軍全景文從討

薛索兒於破釜領水軍斷賊糧運

見齊書呂安國傳

雍州刺史

沈攸之為虜所乘還淮陰免官復求進討上不聽入朝

面陳又不許復歸淮陰三年六月自率運送米下邳遣

龍驤將軍垣護之領民口還淮陰

沈攸之傳

薛安都引索虜

張永沈攸之於彭城大敗敕游擊將軍劉懷珍步從盱

眙自淮陰濟淮救永等而官軍為虜所逐相繼奔歸懷

珍乃還

見齊書劉懷珍傳

淮北既沒帝敕李安民戍甬城除甯

朔將軍允從僕射戍泗口領舟軍緣淮游防

見齊書李安民傳

蕭道城在淮陰治城得古錫鉄大數尺下有篆文莫能

識者紀僧真曰何須辨此文字此自久遠之物九錫之

徵也

見齊書紀僧真傳

齊建元二年九月有司奏山陽縣界若邪村有一槻木

合爲連理淮陰縣建業寺梨樹連理

五行志

索虜南侵詔李安民持節履行緣淮清泗諸戍屯軍虜

攻朐山漣口甬城安民頓泗口分軍應赴三年引水步

軍入清於淮陽與虜戰破之虜退

李安民傳

虜寇淮陽圍成

光緒丙子清河縣志

卷二十六

五

買甬城帝遣李安民救之敕周盤龍曰甬城漣口賊始

復進西道便是無賊卿可率馬步下淮陰就安民軍鍾

離船少政可致衣仗數日糧軍人扶淮步下也買與虜

戰死盤龍子奉叔率眾陷陣盤龍方食棄筯馳馬奮稍

直奔虜素畏其驍名卽時披靡時奉叔已得出在外見

其父久不出復躍馬入陣虜眾大敗盤龍父子由是名

播北國

周盤龍傳

梁天監四年大舉北伐張惠紹與胡辛生等攻宿預使

部將藍懷恭於水南立城爲犄角俄而魏援大至敗陷

懷恭惠紹不能守奔還淮陰魏復得宿預

張惠紹傳

七年遷柳慶遠通直散騎常侍右衛將軍至京都值魏宿預城請降受詔爲援於是假節守淮陰柳慶遠傳

陳大建五年徐敬成隨吳明徹北討自繁梁湖下淮圍淮陰城仍監北兗州淮泗義兵相率響應一二日闕眾

至數萬遂克淮陰山陽鹽城三郡徐度傳按宣帝紀是年三月北伐十一月

淮陰城降正是此事

十年二月北討眾軍敗績於呂梁夏四月戊午樊毅遣

軍度淮北對清口築城庚申大雨雹壬戌清口城不守

宣帝紀又毅本傳云霖雨城壞全軍自拔隨書楊素傳則云毅築城於泗口素擊走之夷毅所築爲小異

魏太和三年十一月進假梁郡公元嘉爵爲假王督二

光緒丙子清河縣志 卷二十六 六

將出淮陰隴西公元琛三將出廣陵河東公薛虎子三

將出壽春南伐高祖紀按太和三年當齊建元元年與齊書李安民傳魏南侵爲一事

十九年帝攻鍾離未尅將於淮南脩故城而置鎮戍以

撫新附之民賜高閭璽書具論其狀閭表曰壽陽盱眙

淮陰淮南之源本也三鎮不尅其一而畱兵守郡不可

自全明矣又欲修渠通漕路必由於泗口沂淮而上須

經角城淮陰大鎮舟船素畜敵因先積之資以拒始行

之路若元戎旋旆兵士挫怯夏雨水長救援實難淮陰

東接山陽南通江表兼近江都海西之資西有盱眙壽

陽之鎮鎮戍新立縣在異境以勞禦逸以新擊舊而能

自固者未之有也車駕乃還高閭傳

世宗初元鑿為徐州刺史梁角城戍主柴慶宗以城內

附鑿遣淮陽太守吳秦生率兵千餘赴之梁淮陰援軍

已來斷路秦生屢戰破之乘勝而進遂克角城元曜傳

東魏武定七年王峻隨諸軍平淮陰賜爵北平縣男見北

齊書王峻傳又按杜弼傳弼在海州奏通陵道并韓信故道語殊舛錯附此俟考

北齊後主卽位封高阿那肱為淮陰王高阿那肱傳封爵虛號故不入

秩官

周建德七年陳將吳明徹寇呂梁徐州總管梁士彥與

戰不利退保州城明徹遂堰清水以灌之詔王軌率諸

光緒丙子清河縣志卷二十六 七

軍赴救軌潛於清水入淮口多豎大木以鐵鑊貫車輪

橫截水流斷其船路方欲密決其堰以斃之明徹懼破

堰退冀乘決水之勢以得入淮北至清口川流已涸水

勢亦衰船艦礙於車輪不得過軌因率兵圍而蹙之明

徹及將士並就俘獲王軌傳陳書略同

唐武后光宅元年徐敬業稱兵李孝逸帥師南討至淮

而敬業已攻潤州遣弟敬猷壁淮陰偽將韋超據都梁

山以拒孝逸支度使薛克構曰超雖據險然兵少今置

不擊無以示威若克超淮陰自震淮陰破楚諸縣開門

候官軍矣從之登山急擊超夜走進擊敬猷破之李孝逸傳

咸豐志按唐淮陰有郡有縣舉郡足以該縣舉縣不足以及該郡孝逸此戰郡縣尚不可知姑存俟攷

李珏字待價其先出趙郡客居淮陰幼孤事母以孝聞

後舉進士高第累官淮南節度使李珏傳客淮陰時未詳何年

咸通九年龐勛攻杜悛於泗州時辛讜客居揚州聞之

拏舟趨泗口貫賊柵以入賊將李圓焚淮口讜曰事棘

矣獨出可以求援乃與揚文播等夜踰淮馳三十里至

洪澤見戍將郭厚本告急厚本許出兵大將袁公昇等

曰賊眾我寡不可往讜拔劍瞋目呼曰泗州陷在旦夕

公等被詔來乃逗遛不進大丈夫孤國恩雖生可羞且

失泗則淮南為寇場君尚能獨存吾今斷左臂殺君去

光緒丙子清河縣志

卷二十六

八

推劍直前厚本持之公昇僅免讜望泗慟哭帳下皆流

涕厚本付兵五百讜曰足矣徧問士曰能行乎皆曰諾

讜仆面於地泣以謝眾濟淮悛亦出兵表裏擊賊大敗

之讜入人心遂固辛讜傳

乾甯四年朱全忠率葛從周涉淮圍壽州而龐師古聶

金以眾七萬壁清口楊行密欲汴圍解乃擊師古李承

嗣曰公能潛師趨清口破其眾則從周不擊而潰行密

以銳士萬二千馳迫清口不進壅淮上流灌師古軍張

訓自漣水來行密使將羸兵為前鋒師古易之方圍棋

軍中朱瑾侯攢以百騎持汴旌幟直入師古壘舞槊而



馳訓亦登岸超其柵汴軍大囂卽斬師古全忠聞之與

從周皆遁走

楊行密傳又五代史龐師古傳載師古營清口地勢卑或請就高為柵師古不聽淮

人決水浸之請者告曰淮人決河上流水至矣師古以為搖動士卒斬之已而水至兵不能戰遂見殺與此互有發明又九國志是役從破師古軍者自張訓朱瑾侯攢外尚有李簡朱志誠陳祐

後周顯德四年南唐屯清口義成軍節度使趙匡允從

帝翼淮東下夜追至山陽俘唐節度使陳承昭以獻

見宋

史太祖紀亦見五代史南唐世家

輔超從征淮南常執銳前驅定滁泗

破淮陰下揚州以功轉日騎副兵馬使

見宋史輔超傳

宋太平興國中以喬維岳為淮南轉運副使淮河西流

三十里曰山陽灣水勢湍悍運舟多罹覆溺維岳規度

光緒丙子清河縣志

卷二十六

九

開故沙河自末口至淮陰磨盤口凡四十里又建安北

至淮濫總五堰運舟所至十經上下其重載者皆卸糧

而過舟時壞失糧綱卒緣此為姦潛有侵盜維岳始命

剏二斗門於西河第三堰二門相距踰五十步覆以厦

屋設縣門積水俟潮平乃泄之建橫橋岸上築土累石

以牢其址自是弊盡革而運舟往來無滯矣

喬維岳傳何渠志略

同

虞城人趙槩字叔平布衣時曾居淮陰後為吏部尙書

太子少師致仕後復來遊

見徐節孝集來淮時不知何年

元豐六年江淮荆浙發運副使蔣之奇請鑿龜山左肘

至洪澤爲新河以避淮險自是無覆溺之患蔣之奇傳又河渠志

初發運使許元自淮陰開新河屬之洪澤避長淮之險凡四十九里久而淺澀熙寧四年皮公弼請復濬治人

便之至是發運使羅拯復欲自洪澤而上鑿龜山裏河以達於淮帝深然之會發運副使蔣之奇入對建言上

有清汴下有洪澤而風浪之險止百里淮邇歲溺公私之載不可計凡諸道轉輸涉湖行江已數千里而覆敗

於此百里間良爲可惜宜自龜山蛇浦下屬洪澤鑿左肘爲複河取淮爲源不置堰牖可免風濤覆溺之患帝

遣都水監丞陳祐甫經度祐甫言往年田棊任淮南提刑嘗言開河之利其後淮陰至洪澤竟開新河獨洪澤

以上未克興役今既不用牖蓄水惟隨淮面高下開深河底引淮通流形勢爲便但工費浩大帝日費雖大利亦溥矣乃謂夫十萬開治既成命

之奇撰記刻石龜山較此爲詳馬仲甫爲淮南發運使自淮陰徑泗上浮長進風波覆

舟歲罹其患仲甫建議鑿洪澤渠六十里漕者便之馬仲

光緒丙子清河縣志 卷二十六 十

甫傳未  
知何年

靖康初蔣猷奉上表起居太上皇帝於淮陰蔣猷傳

紹興四年冬帝親征王師大捷於淮陰章誼扈從還臨

安章誼傳咸豐志按高宗紀四年王師親征所歷六合壽春等境下及承楚雖與淮陰相違不過一舍而總

師入境蓋無明文此之所載爲不符矣况互有勝負何云大捷恐是虛張聲勢姑存之以俟攷

七年韓世忠伏兵洪澤鎮將殺金使不克韓世忠傳

高宗母韋賢妃從徽宗北遷十二年還四月次燕山自

東平舟行由清河至楚州后妃傳

三十一年八月劉錡以兵駐清河口金人以氈裹船載

糧而來錡使善沒者鑿沈其舟劉錡傳九月詔劉錡王權

李顯忠戚方嚴備清河潁河渦河口 十月乙巳劉錡引兵次淮陰金人將自清河口入淮錡列兵於運河岸以扼之 壬子劉錡遣統制王剛等擊敗金人於清河口金人復來戰剛失利 甲寅劉錡遣兵渡淮及金人戰死者十七八 乙卯劉錡聞王權遁自淮陰引兵歸揚州 十二月癸丑鄂州統制楊欽以舟師追敗金人於洪澤鎮自九月以下俱高宗紀

隆興元年金兵大至以張浚爲江淮宣撫使浚以魏勝守海州陳敏守泗州戚方守濠州郭振守六合聚水軍淮陰馬軍壽春大飭兩淮守備張浚傳

光緒丙子清河縣志 卷二十六 十一

二年命湯思退督江淮軍辭不行金僕散忠義自清河口渡淮言者極論思退議和徹備之罪責居永州湯思退傳魏勝知楚州詔勝同淮東路安撫使劉寶知高郵軍劉敏措置盱眙軍楚州一帶勝專一措置清河口時和議尙未決金人乘其懈以舟載器甲糗糧自清河出欲侵邊勝覘知之身率忠義士拒於清河口金兵詐稱欲運糧往泗州由清河口入淮勝知其謀欲禦之都統制劉寶以方議和不許金騎軼境勝率諸軍拒於淮陽此淮陽非淮陽軍乃謂淮水之陽也自卯至申勝負未決金軍增生兵來勝與之力戰又遣人告急於寶寶在楚州相距四十里堅謂

方講和決無戰事迄不發一兵勝矢盡救不至猶依土步爲陳謂士卒曰我當死此得脫者歸報天子乃令步卒居前騎爲殿至淮陰東十八里中矢墜馬死時淮南未平詔於鎮江府江口鎮立廟仍俟事定更祠於戰歿

處魏勝傳

楚州司戶參軍李孟傳修復陳公塘有灌溉之利

李孟傳

未詳何年以時勢考之當在光宗初

開禧二年冬金人以騎步數萬戰船五百餘艘渡淮泊楚州淮陰閒宣撫司檄畢再遇援楚除鎮江副都統制金兵七萬在楚州城下三千守淮陰糧又載糧三千艘

光緒丙子清河縣志

卷二十六

十一

泊大清河再遇遣統領許俊閒道趨淮陰夜二鼓銜枚至敵營各攜火潛入伏糧車間五十餘所聞哨聲舉火敵驚擾奔竄生禽烏古倫師勒蒲察元奴等二十三人畢再遇傳又甯宗紀開禧二年金人自清河口渡淮遂圍楚州與此正一事也

嘉定十一年二月楚州鈐轄梁昭祖焚金人糧舟於大清河京東忠義副都統沈鐸遣兵助之

甯宗紀

十三年李全至楚州季先黨石珪等不奉制置使賈涉教令涉恐全見涉請討珪涉未有處議者請以全軍布南渡門移淮陰戰艦陳於淮岸以示珪有備然後命一將招珪珪黨自離涉用其策珪果窮

賈涉分帳前忠義萬人屯五千淮陰王暉及于潭統之

以制北軍未知何年

寶慶元年李全使人說時青附已餽金五百兩青乃附全自移屯淮陰尋自淮陰移屯楚州城內

三年朝廷調京湖制置司兵萬人屯時青平山以備李全十月全詭邀青及張國明於淮陰國明辭疾青父子

同至全惡青反覆斬之以上俱李全傳

紹定四年出師楚州討李全捷聞以金人據淮陰欲乘勢取之唐璘言淮陰堅壘與楚城等濠之廣又過之我士疲丁困可一拔乎恢復美名也而賈實旤璘竊危之

光緒丙子清河縣志

卷二十六

三

不聽制司耻楚城之捷自趙范與葵議贖淮陰二城為功洎聞金變即轉攻之我師死傷者六萬璘在兵閒憤之著讜論直書其事上之唐璘傳

五年江淮安撫制置使趙善湘復泰州淮安州鹽城縣

淮陰縣四城趙善湘傳

淳祐中賈似道鎮京湖起李庭芝為制置司參議十年移鎮兩淮與似道議柵清河五河口增淮南烽百二十

李庭芝傳

耿世安為淮東副總管兩淮都撥發官諜報北兵至制置使賈似道調世安提兵往漣水軍增戍眾方猶豫世

安徑迎至漁溝以三百騎入陳廩擊自午至酉身被七創猶能追殺潰兵收兵還至數里歿事聞贈五官立廟

淮安耿世安傳以賈似道為制置使攷之當在淳祐寶祐之間

王孝忠為鎮江前軍統制兼淮東路分戍淮陰楊貴叛

孝忠率眾迎戰勝氣百倍俄水軍統制朱信降賊孝忠

孤軍力不敵死焉王孝忠傳未知何年

咸淳九年四川制司言近出師成都劉整故吏羅鑑自

北復還上整書橐一帙有取江南二策其一曰先取全

蜀蜀平江南可定其二曰清口桃源河淮要衝宜先城

其地屯山東軍以圖進取帝覽奏亟詔淮東制司往清

光緒丙子清河縣志

卷二十六

十四

口擇利城築以備之度宗紀

十年李庭芝築清河城以圖來上詔庭芝進一秩同前時瀛

國公已即位而紀年未更故仍之

金正隆六年當宋紹興三十一年帝自將三十二總管兵伐宋以

徒單真為左監軍別將兵二萬入淮陰海陵紀咸豐志按是時二境分

裂事多歧出或致紛錯彼此互見故條分二國年號以便觀覽

大定四年當宋隆興二年徒單克甯出軍楚泗之間與宋將魏

勝相拒於楚州之十八里口魏勝取弊舟鑿其底貫以

大木列植水中別以船載巨石貫以鐵鎖沈之以塞十

八里口及淮渡舟路以步兵四萬人屯於淮渡南岸運

河之間克甯使斜卯和尚選善游者沒水繫大繩植木  
上數百人於岸上引繩曳一植木皆拔出之徹沈船進  
至淮口宋兵來拒隔水矢石俱發斜卯和尚以竹編籬  
捍矢石師遂入淮與宋兵奪渡口合戰數四猛安長壽  
先率勁卒涉水登岸敗其津口兵五百人餘眾皆濟宋  
兵四百餘自清河口來鎮國上將軍蒲察阿里合懣以  
步兵百人禦之克甯自與扎也銀朮可五騎先行六七  
里麾兵前戰自旦至午宋兵敗踰運河為陳餘眾走入  
營中克甯使以火箭射其營舍盡焚踰河徹橋與其大  
軍相會隔水射之宋不能陳猛安鈔兀擊宋騎兵少卻

光緒丙子清河縣志

卷二十六

五

克甯以猛安賽刺九十騎橫擊之宋兵大敗追至楚州

射殺魏勝遂取楚州及淮陰縣

徒單克甯傳與宋史魏勝傳微有不同兩存之

原書先率勁卒下有數人二字先行六七里下有宋大兵來拒等語咸豐志按兩國交爭往往自謂以少擊眾虛標聲勢未為專美攷之勝傳劉寶堅持和議勝率諸軍戰於淮陽勝負未分金增生兵勝復力戰告急劉寶迄不發兵矢盡援絕以至喪元今乃諱生兵為數人擊疲敵為鼓勇因緣附會何其誣也削之

泰和六年

當宋開禧二年

五月宋兵犯金城紇石烈執中遣巡

檢使周奴以騎兵三百禦之十月執中率兵二萬出清  
口宋以步騎萬餘列南岸戰艦百艘距上流相持累日  
執中以舟兵二千搏戰遏宋舟兵遣副統移刺古與涅  
率精騎四千自下流徑渡宋兵望騎兵登南岸水陸俱

潰追斬及溺死者甚眾盡獲其戰艦及戰馬三百遂克

淮陰進圍楚州

紇石烈執中傳又章宗紀是年宋入金城海口殺長山尉執二巡檢以去咸豐

志按時金淮陰屬海州疑此即今之金城鄉未敢懸定也

興定二年

當宋嘉定十一年

正月宋人攻泗州戰卻之二月宋

人侵青口

即清口

行樞密院遣兵敗之

宣宗紀

正大八年

當宋紹定四年

五月李全妻楊妙真以全陷沒於宋

構浮梁楚州北欲復宋讎遣合達蒲阿屯桃源界激河

口以備侵軼宋八里莊人拒其主將納合達蒲阿詔改

八里莊為鎮淮府七月宋將焚浮梁

哀宗紀又白華傳楊妙真以李全死

於宋構浮橋於楚州之北就元乞師復讎朝廷覘知之謂北軍渡淮與河南跬步遣完顏合達移刺蒲阿駐軍

光緒丙子清河縣志

卷二十六

六

桃源界激河口備之二相屢以軍少為言而省院難之

因奏桃源青口蚊蟲湫濕不便牧養欲以暑月東行實

無可圖之事且我之所慮特楚州浮梁耳姑以計圖之

上遣白華以此論二相且往視可否二相怒朝省不益

軍謂皆華主之欲擠之險地乃以小船令華順河而下

到八里莊城門為期日此中望八里莊如在雲間省院

端坐徒事口吻今樞判親來可以相視華力辭不獲遂

登舟及淮與河合流處纜及八里莊城門相直城守者

以大船截華上流華幾不還昏黑得徑歸乃悟是夜八

里莊納欵初合達渡淮淮陰主者胡路鈐往楚州計事

提正官郭恩送欵於金比還不納慟哭而去合達遂入

淮陰詔改歸州以行省烏古論葉里哥守之云云視本

紀為詳今為裁而附之惟本紀改八里莊

為鎮淮府傳云改淮陰為歸州互有出入

元憲宗九年 當宋開慶元年 宋以巨艦載甲士數萬屯清河浮

橋相距七十日水暴漲浮橋壞西岸軍多漂溺石抹按

只軍東岸急徹浮橋聚舟岸下士卒得不死又援出別



部軍五百餘人石抹按只傳

中統元年當宋景定元年納陳從帝南涉淮甸下大清口獲船

百餘艘特薛禪傳

慶端戌清口宋兵來攻守將戰死城欲陷慶端拔刀誓

眾暴劊力戰城得以全慶端傳未詳何年

至元十年當宋咸淳九年宋兵以巨索橫截淮水號混江龍賀

社用大刀斷之卻其救兵清河城遂降賀社傳

十二年當宋德祐元年三月劉淵與宋安撫朱煥戰於清河敗

之禽十四人奪其輜重劉通傳博羅歡軍於下邳召將佐

謀曰清河城小而固與昭信淮安泗州為犄角猝未易

光緒丙子清河縣志 卷二十六 七

拔海州東海石秋遠在數百里之外必不嚴備吾頓大

兵為疑兵以輕騎倍道襲之其守將可禽也師至三城

果皆下清河一降宋主以國內附博羅歡傳又君祥傳從元帥李魯罕攻清

河拔之疑四月立漣州新城清河三驛九月賞清河新

城戰士及死事者銀千兩鈔百錠世祖紀

十五年十二月臨淄臨朐清河復為縣同前

元貞二年以洪澤芍陂屯田軍萬人修大都城成宗紀

大德六年衡州袁舜一等誘眾侵掠郴州湖南宣慰司

討平之誅首謀三人餘者配洪澤芍陂屯田同前

汝頴盜發勢張甚副使褚不華行郡至淮安極力為守

禦計賊至多所斬獲且請知樞密院老章判官劉甲守韓信城相犄角為聲援甲有智勇與賊戰輒勝賊憚之號曰劉鐵頭不華頗賴之總兵者嫉不華乃檄甲別將擊賊甲去韓信城陷褚不華傳攷不華以至正十六年戰死本傳云不華守淮安五年殆數十百戰此初之官時疑在至正十二三年也

至正十五年二月立淮東等處宣慰使司都元帥府於天長縣統濠泗義兵萬戶府並洪澤等處義兵聽富民願出了壯義兵五千名者為萬戶五百名者為千戶百名為百戶 十月以翰林學士承旨慶童為淮南行省平章政事立黃河水軍萬戶府於小清口順帝紀

光緒丙子清河縣志

卷二十六

明洪武中徐宗實被薦除銅陵簿請告迎養忤帝意謫

戍淮陰驛

見桂彥良傳

永樂十年浚宋故沙河

見治河方略

十三年五月鑿清江浦通北京漕運

成祖紀又陳瑄傳時江南漕舟抵淮

安率陸運過壩踰淮達清河勞費甚鉅至是瑄自淮安城西管家湖鑿渠二十里為清江浦導湖水入淮築四閘以時宣洩又緣湖十里築隄引舟由是漕舟直達於河省費不訾視此較詳附記之

正德五年遣禮科給事中陳鼎往淮安賣平江伯陳熊

產得銀萬餘兩還奏加一級鼎阿奉劉瑾為時所鄙入

年熊已卒其母袁氏奏訴乃盡給還

見明實錄

十四年十一月十五日帝自徐州乘船順流而下至清

江浦幸監倉太監張陽第時巡遊所至捕得魚鳥悉分賜左右受一鬻一毛者各獻金帛爲謝至是漁於清江浦累日諸臣迎送雜沓皆戎服徒行無復貴賤二十一日冬至扈從及撫按以下稱賀於陽宅至次年九月旋蹕至清江浦復幸陽宅踰三日自泛小舟漁於積水池舟覆溺焉左右大恐爭入水掖之遂不豫

見武宗紀及武宗外紀山

陽志遺諸書惟張陽或作張賜或作張楊爲異

嘉靖三十六年江北之倭自金沙登岸犯如皋泰州復犯天長趨盱泗入清河安東

見廟灣志

天啓二年御史游募兵七千往登萊防守十二月十一

光緒丙子清河縣志

卷二十六

九

日行至清江浦羣以索餉爲由乘勢騷擾奪掠居民婦女財物人情洶懼通判連躍往鎮撫輿皂至咸駭散連躍徒步直前反覆曉諭情詞忼慨衆少斂是夜躍獨宿兵船上恩威並濟卒以安堵遂禽首惡袁仲元等親捶殺之而盡反其所掠餘衆始乃稍稍散佚渡清河而北

去

見天啓府志

甲申三月淮安有練義勇之舉軍門至清江浦

謂路公振飛

宿藥王廟與舉人湯調鼎貢生張履貞生員左宏楷等率義勇二萬餘人戶部員外郎萬淮亦練衙兵數百各成勁旅生員盧士英領南門義社拔貢張鎮世領大義

社武備社七十二坊人人鼓勇軍門皆手觴賞賚三日始畢四月杪賊帥武愨至沛軍門集士民出三月十九日之報於袖中眾皆哭公曰時事若此願隨者從不則縛我送賊眾復大哭是時中軍趙洪貞率部下數百人焚掠清口爲義勇所困夜遁馬士英兵船從洪澤來欲由淮南往巡按王公及路公令義勇自清江至頭鋪兩岸山列不許一舟停泊一人上岸道路肅然高傑部將李阿子順流至清口張士儀率水兵擊之焚殺甚眾奪民口而還及南都旣立路公被謫去王公升山東贊理軍務而田仰爲淮安漕撫義兵從此解體矣

見山陽志遺

甲申三月六日福周潞崇四藩避難船八十餘艘至河口八日路公及撫甯侯朱國弼往見問故時周王已病福王曰孤自河南亂後與國母寄居懷慶二月十六日聞變四門大啓便衣偕出行至東門門閉及出忽失母所在今至此因泣下是日四藩並集清江浦百姓罷市路公以千金散給市肆始安

同前

四月末賊將董學禮至宿遷武愨至沛五月賊眾假爲難民乘船將近清河水營副將張士儀大破之焚其舟又遣人往王家營潛焚其舍董賊將犯淮潛兵從草灣渡河偵者得之路公密令馬繼援王定國等諭宿遷百

姓候官兵至爲內應已而賊見清河兵敗不敢進路公  
艤舟於河使李發張勇率步兵張士儀率水兵攻其東  
南趙彪張浩然率馬兵由沈陽攻其東北劉世昌韓尙  
亮由上流攻其西南調邳州指揮周之鸞湯子能等伏  
張山邀其西北監紀郎中高岐鳳居中調度而撫按同  
至清江浦爲諸將餞行總兵邱磊部下有不願行者馘  
其左耳以徇時董賊方食聞報失箸夜拔營遁黎明火  
起賊無鬪志斬獲無算宿遷平

同前

江北巡按御史王燮以甲申四月職滿當去念北信斷  
絕而淮安爲南北重地乃與漕撫路公曉血同盟誓以

光緒丙子清河縣志

卷二十六

三

死守發漕粟以振饑民賊有僞使招撫淮安者左右惶  
惑燬斬其使焚其檄列兵守清河口訓練水師於清江  
浦之東湖禽斬僞官呂弼周武愨等賊聞風遠颺淮境  
賴其保全

見山陽志

國朝順治二年五月準塔巴圖魯敗劉澤清於宿遷師  
至清河明總兵馬化豹副將張思義率兵四萬船千餘  
艘據淮黃清三河口連營十里準塔遣人渡清河擊敗  
之又分二路一自清江浦上游進攻一攻對岸俱敗之

師進次清江浦明監司范鳴珂來降澤清等遁去

見阮吾山

茶餘客話以上皆仍咸豐  
志原文以下徵諸目見

咸豐十年正月宿永捻首李大喜糾眾東下入桃源河

督急募勇數百人防湖灘之小橋賊至之前數日黃昏後徧地火光錯落如

星斗或遇行人掠其馬腹而過又縣署監內一小犬如婦人坐於門內而啼皆異事也二十八日

賊焚掠湖灘晚復退據桃源都司德興阿以捷聞居人

逃者復二三歸逾二日賊從小橋徑渡即德興阿報捷

處也二月朔賊入清江浦放火結營河南北十里長街

立為煨燼賊復出其眾分擾四鄉東入山陽境南至蔣

壩西至楊莊西北至漁溝北至劉皮東北至安東境徧

肆焚掠十三日退走回巢我兵以克復聞是役也文職

殉難之最烈者署宿南通判沈鴻紹興人舉人當賊之渡小橋或勸鴻走鴻

叱之次日賊至問若何人厲聲曰宿南通判前盱眙縣

丞馮燿燿蘇州人妻妾及家人朱太陳國遇害者凡五人前睢甯主簿聞廷棟

錢塘人時專司清江火藥局賊至人勸武職之最烈者

之走不可率勇迎擊身被亂刃死於局

守備丁建功清河人賊至小橋督勇力戰頗有斬獲力竭死之干總魏國舒清河

人率眾拒戰手斃二賊力盡而死子清安汛効用延齡

孫鴻甲鴻亮鴻恩又國舒弟妻郝氏子婦李氏孫氏女

三孫女一僕陳如徐大僕婦范氏自餘官弁書吏兵勇

紳民及流寓死於賊可以名字紀者凡千八百餘人前見

志附編此不備載  
十一年六月捻首劉天福糾眾東下竄青口走海州焚掠南集版浦大伊山諸鎮分兩股回巢一走沈陽至錢

家集遇官兵擊之北渡流河而逸一走安東至蔡工遇官兵擊殺其眾數百人以多寡不敵賊搶渡中河西過清河境又西至桃源之雲家渡民人集練與之戰練敗死者百數十人賊沿運河窺南渡焚其所掠衣物卒以官兵不能遏搶渡而去

同治元年正月捻首李成糾眾東下

成大喜  
義子

清江浦方

築圍堰未成二月初五日賊逼鹽河時客兵來援者都統德楞額統吉林馬隊三千最稱勁旅賊徑渡德楞額整師迎之見賊騎蔽野麾而返走賊乘之直薄圍堰下德楞額緣土壁入堰馬落於溝中守砦者發巨礮擊賊

光緒丙子清河縣志

卷二十六

三

賊始退卽日東走犯阜甯阜甯城久圯賊至人走城喪遂南犯汜河窺寶應總兵陳國瑞時爲游擊官率勇數百人擊之而別檄將扼其他路賊偵知他路實無兵乃宵遁復西據桃源之眾興堅壁爲久計日出肆擾復以數百人越境內東掠安東阜甯又東至於海濱北至流陽麥秀盈郊居人大恐國瑞請益兵則配以礮船數十艘駛赴眾興卽其旁爲營晝攻夜劫水陸迭進賊懼而走時四鄉圩砦半就受害不深亦兼資國瑞之力焉六年粵賊賴汶洸與捻首張中雨任柱合夏五月東犯登萊沿海大擾淮上戒嚴漕督張公之萬調兵北守六

塘不足復益之以客兵先是督師李公鴻章恐賊南逸議於運河岸下游之清河山陽寶應築長圩以爲限知淮安府章君儀林難其事言於張公公曰吾固守六塘也乃與督師定計卽六塘南岸築圩上自劉老澗下訖龍溝爲桃源清河安東流陽海州五州縣地凡長二百里有奇在清河者上自風土城下盡安東界長二十三里計漕帥兵萬餘及督師助兵數千人連營四十里兵民合力版築之聲與賊壘相聞儀林實總其役凡四十五日而葺工冬十月提督劉銘傳擊賊於贛榆大敗之殪任柱賊窮蹙思遁而西有重兵不得過南窺六塘游奕

於流陽西者良久十二月初七日夜半賊突至漆家渡客兵守其地驚火而寤賊過大半矣率僵凍有仆於道或入人家乞糲髮者勁虜尙三千人擁賴汶沆南竄我兵追之且殺且降至揚州之瓦窰鋪汶沆騎蹶揚州守兵得之以獻皖粵賊遂盡

光緒二年傳言九龍山妖僧剪紙爲人能入人家斷辮髮或割取童子勢若婦人乳者初由江以南蔓延而北夏六月天大旱秋禾焦枯清江浦訛言四起城鄉居民一夕數驚皆云辮髮落者期百日死又有紙作虎若蝶狀百態怖擾能與人健鬪或誤擊取視之人長五六寸



許蝶虎皆大如斗則爲紙如故已而他紙人復來城中  
亡辨髮者日數人鄉堡亦然乃帖符呪繪怪物以厭勝  
之厭勝至徧闔市矣弗能禁也漕督文彬公嚴命蹤跡  
翦紙者得數人皆邑中貧丐無賴爲之者問以故曰九  
龍山人使我爲此以錢購我不知其他遂置諸法妖人  
稍稍斂迹矣而時苦旱尤甚先是同治十三年邑大水  
制軍振粥以食饑民至是冬十月漕督復謀於制軍沈  
公葆楨撥貲蠲俸踵前政分設十數廠於清江浦之東  
活者近數萬人民心乃定

按自咸豐志後蠲振缺而不載故此附之雜記之未

附祥禋凡黃淮決溢已入川瀆者不載

光緒丙子清河縣志

卷二十六

三

宋乾道五年夏秋淮東旱盱眙淮陰爲甚

五行志

淳熙十

五年雨自五月至六月清河口溢

見葉水心集

元至元十三年漣海清河以水旱缺食振軍民站戶米

粟鈔世祖紀十九年七月淮安清河縣飛蝗蔽天自西北

來凡經七日禾稼俱盡

五行志

至治元年七月淮安清河

山陽等縣水同前泰定三年廬州鬱林州及洪澤屯田旱

免租泰定帝紀

明宏治十四年四月徐州清河桃源宿遷雨雹平地五

寸夏麥盡爛

五行志

正德六年元日雷雨大作日酷炎如

暑四月有流賊之變

見乾隆志

十二月清河口至柵鋪黃河

清三日

武宗紀

十一年大水

以下皆乾隆志

嘉靖二年疫大饑積

尸載道人相食

八年黃河清五日自河口至於劉伶

臺 十八年七月二日大風晝晦 三十六年四月朔

天鼓鳴是年倭賊入境焚掠 萬曆二年七月二十四

日大風拔木徹屋河淮並溢漂官民廬舍溺死男婦無

算 十年七月河漲 十八年五月大風雨淮漲禾麥

盡爛 十九年自五月雨至七月不止淮漲平地深丈

餘漂溺人畜 二十二年黃河清百餘日 三十五年

春大旱五月大雨雹黃淮並漲 四十年元日大雪深

數尺 天啓元年五月霪雨河淮交溢水入縣治舟行

光緒丙子清河縣志

卷二十六

三

於市 四年正月火壞居民廬屋數百家 崇禎十年

麥三岐

國朝順治六年春境內多狼白日羣行荒澤中夏大雨

七年夏大雨 八年夏大雨禾麥淹沒穀賈騰貴

九年秋七月有大石浮於河色黑而赭舟人以槌擊之

有聲硜然 十年冬大雨雪四十餘日烈風沍寒野鳥

僵死 十三年有虎見於東村 十五年冬十月大雷

雨河淮交漲 十六年秋不雨桃李華邑有兵亂冬十

一月龍見隕霜不殺草十二月雷電 十七年夏四月

壬寅大雨雹深數寸大者如斗殺禾麥俱盡 十八年

大疫 康熙三年七月霖雨驟風壞官民廬舍甚眾  
五年夏五月大雨雹形長如碓深數寸殺禾麥 六年  
夏蝗食草根略盡赤地百里河水尋溢 七年六月甲  
申地震崩塌官私房舍人則壓死次日又震越日又震  
冬十月隕霜不殺草蟄蟲不藏穀梁再秀 九年五  
月永興鎮大風雨火光著人如熱 十二月河水溢冰  
剝居民廬舍林木無算 十年秋九月梅李華霜降而  
雷 十一年大風 十三年正月戊寅大雷電恒雨害  
稼疫氣流行 十四年閏月戊申大風拔樹徹屋 十  
六年大雨無麥 十七年旱 十八年旱蝗 十九年

蝗霖雨繼作 二十年十二月無冰雨雪雷電 二十  
二年四月黃霜害麥五月庚申大雨雹霖雨至八月不  
止秋禾盡沒 二十三年正月雨水蒸濕如夏甲戌大  
風震電雨雹而雪恒陰沍寒夏大暑人多暍死田鼠巢  
於稼秋霖雨禾稼不登 二十四年大雨水 二十七  
年夏大雨水河中河漲漂溺人畜 三十三年淮河並溢  
三十五年大水書院察院皆圯 四十一年中河溢  
入縣治四十餘日居民附隄而居 四十八年大饑冬  
十月星隕羅家荒化爲石 五十八年大水無麥 雍  
正二年大風拔民屋 四年冬十二月癸酉黃河清凡

八日 六年麥有兩岐冬十月桃有華 八年六月恒

雨河湖交溢 十年二月雨豆其色黑其味苦 乾隆

三年夏大旱蝗 七年雨水傷麥 八年春大饑 十

二年七月大風拔木 十三年四月大風雨學宮倉儲

圯 十四年秋恒雨六塘河包家河俱溢 乾隆志止此咸豐志撮而

錄之後緣案牘不具無可搜載今仍其舊自咸豐志以後水旱凶荒耳目所接者續紀下方 咸豐六

年夏大旱 七年春大饑斗米千錢秋九月清江浦運

河竭閘上下可徒行者數日冬十月運河流一巨蛇盤

水中首昂立如雞冠至閘口側而過隨流東下 九年

縣內竹有華而萎 十年春二月菜花開作蛇蝎狀或

光緒丙子清河縣志 卷二十六 三

形如戈戟是月捻逆入清江浦夏大雨水 同治五年

夏大水 九年秋水 十三年雨自五月至於十月不

止大水游饑人民流離 光緒元年夏無麥 二年夏

大旱飛蝗蔽天蝻生食禾苗幾盡秋七月隕霜九月微

雪復大旱

跋

縣志始修於咸豐四年自更歷兵燹有續編再續編之舉皆緣時紀錄首尾不具長白文公由東撫再履漕督之次年命昆田引魯仲實學博彙輯前志併爲一書先是歲苦大旱盜賊剽起或有妖民訛言自九華山來者翦紙爲人能薙辮髮爲怪異驚怖諸愚氓公嚴飭軍士芟刈土賊又搜索妖民數人寘之法衆然後定而時齊豫薦饑尤甚流民顛踣道路宵晝相屬公則大發帑金設厰振粥活者以數萬計至是而書適告成因總公政蹟次於雜記篇末而命名曰光緒丙子志紀實也

光緒丙子清河縣志

跋

備忘也近一二歲雨暘告愆公齋肅步禱無不奇驗又春水未生漕艘每苦淺閣自公蒞斯土而河神効靈凡祀典所載如金龍大王黃大王九龍將軍之屬蜿蜒來下激流送颿蓋事神治人備至耳矣夫漕運爲國家大政運河之經行於此者五百年自軍興以來漕政若興若廢不絕如綫傳曰得神以興神之來也其復興之兆乎是不可以不書而是書以丙子爲斷不及入茲於刊成之日埊而誌之以示後之續修斯志者時己卯三月吳昆田謹跋

